

Mediconan specialista ta menaza di cera consultorio

Via ultimatum pa gobierno cual ta termina diamars merdia 12or

ORANJESTAD(AAN)—Specialistanan Docternan Anaya, Berlinski, Bryson, Engelbrecht, Falconi, Goldshtein, Hart F. Ho Kang You, W. Ho Kang You, Kennedy, Lopez Dorado, Ponson, Saladin, Salamanca, Vallejo Lopez, Verbrugge-Schaad, Wever, F. de Windt (Dr. Essed ta den exterior) ayera a emiti un comunicado dirigi na pueblo di Aruba, den cual por ripara cu nan a pone ultimatum pa gobierno di Aruba sino for di 12 or merdia diamars awor nan lo no tene consulta mas.

E carta ta splica cu for di juli 1985, ta existi insuficiente ayudo medico na departamento di emergencia di Dr. Horacio Oduber Hospital. Repetidamente nan a muestra hefe di Salubridad Publico, y Diputado di Salubridad ariba e situacion irresponsabel y inacceptable aki. Te awe Consejo Ejecutivo no a tuma un decision pa pone un fin na e situacion masha serio aki.

Apesar di splicacion en extenso di e cantidad di objeccion contra introduccion di referencia obligatorio, Consejo Ejecutivo sinembargo a mantene e referencia obligatorio.

E specialistanan ta di opinion cu ehecucion di referencia obligatorio lo trece daño serio nacido di salud na Aruba pa motibo cu:

A--libertad di Arubanonan pa escogean propio medico pa yudanza ta ser kita.

B--specialistanan ta wordo limita den

ehecucion di nan trabao pa motibo B--e relacion di confianza entre medico-patient ta ser afecta cu esaki.

C--specialistanan ta wordo limita seriamente den ehecucion di nan trabao medico pa motibo cu door di e sistema introduci mediconan di cas ta determina duracion di tratamiento door di specialista.

D--eventual internacion na hospital, medicamentonan y investigacion di laboratorio no por ser ehecuta door di specialistanan si e docter di cas a nenga di duna e patient un carta di referencia, mientras cu despues ta resulta cu e patient toch tabata tin mester di ayudo di specialista.

Mirando tur locual ta para aki riba, e specialistanan menciona a dicidi pa duna Consejo Ejecutivo te cu diamars awor pa 12 or merdia, e oportunidad pa ainda realiza ponemento di mediconan responsabel den e departamento di emergencia y pa hala aden e referencia obligatorio.

Si gobierno no haci esaki, for di 12 or merdia diamars awor dia 19 di november, e specialistanan lo no tene consulta mas y lo ta localisabel solamente via central di hospital, pa casonan di urgencia.

E specialistanan di awor caba ta haci un apelacion ariba comunidad pa muestra comprension pa e medida cu a ser menciona pasobra nan ta haci esaki na bienestar di cuido di salud na Aruba.

Comisario interino a priminti mehoracion den cuerpo policial di Aruba

ORANJESTAD(AAN)—E futuro comisario di polis di Aruba, Sr. Roland Peterson, cu actualmente ta na Hulanda relaciona cu atraccion di agentenan policial hulandes pa e cuerpo na Aruba, a priminti di lo bini cu e mehoracionnan necesario den cuerpo policial di Aruba.

El a laga sa cu e polisnan hulandes cu bini Arubalo no bini mas tampoco den un esfera y posicion di trabao di sorpresanan desagradabel, manera a pasa den pasado na Aruba.

El a haci e promesanan aki durante un entrevista cu bond di polis na Hulanda, ACP.

Na cumintamento di e siman aki, di e dos rapportnan confidencial cu a ser traha encuanto cuerpo policial na An-

tillas ariba encargo di ministro di justicia, a ser menciona cu polis na Antillas ta funciona malo pa falta di bon maneho y falta di personal specializa.

Esaki especialmente na Curacao pero menos na Aruba, segun e dos comisionnan di investigacion a constata.

Comisario Interino Sr. Roland Peterson ta na Hulanda pa atrae mas o menos cien agente policial pa mehora e nivel na Aruba ora cu otro aña Aruba ta para ariba su mes pia cu su Status Aparte.

E bondnan di polis na Hulanda, ACP y NPB no tabata mucho contento cu e intencion aki, mirando e experianan malo cu agentenan policial Hulandes a pasa aden na Antillas.

Awor cu Peterson a priminti mehoracion, e bondnan ta prefera di man-

Melchior ta yega Aruba

Cu paquete concreto

ORANJESTAD (AAN)

For di fuentenan fidedigno, DIARIO a ser informa cu Diarazon dia 20 di November lo yega Aruba Sr. L. Melchior cu un delegacion entre cual potencial inversionistanan.

Segun informenan Sr. Melchior lo ser acompaña pa funcionarianan halto di un compania naviero grandi cu ta interesa di usa e puerto di container di Aruba como puerto di distribucion.

E volumen cu e compania aki por regenera por redobla e actual volumen di e puerto di container.

Alavez e compania aki ta interesa den cuminsa cu un industria di drecha container y te hasta fabrica container.

Sr. Melchior lo ser acompaña tambe pa un representante di Club Mediterranee, kende aparentemente ta interesa

den establece un actividad turistico unico na Aruba.

Segun informacionnan obteni, Sr. Melchior mes y su grupo ta interesa den cumpra un hotel na Aruba.

Durante su bishita, Sr. Melchior lo papia tambe ariba establecimiento di 4 empresa cu den cuadro di CBI tin e potencial pa exporta pa Estados Unidos.

Un di e puntanan interesante cu Sr. Melchior lo trece padilanti ta un eventual concesion pa mineria di oro, ya cu e resultado di e survey cu e geologo cu el a manda a haci a resulta sumamente positivo.

Tambe tin indicacion cu Sr. Melchior ta interesa den tereno basta grandi pa cultivo di pesca y cabaron den baki, loque ya ta un industria hopi grandi na Florida y otro partinan.

Empleadonan por bira propietario compania di electricidad Elmar

ORANJESTAD(AAN)—TEcnicamente, organizativamente y administrativamente Elmar ta dispone di un empresa excelente y gerencia di e empresa kier mantene esaki asina, no pa e compania mes pero pa e comunidad Arubano.

Pa e motibonan ey, gerencia di e empresa tabata contento tambe cu e deliberacionnan entre e accionista mas grandi y gobierno di Aruba formalmente a termina sin cu por a yega na acuerdo en cuanto tumamento over di Elmar.

"No ta convenci cu mester evita cueste loque cueste cu gobierno ta mete den actividadnan empresarial. Gerencia di Elmar actualmente ta haciendo tramitenan pa logra haya e accionnan di e compania pa finalmente yega na un situacion den cual e personal completo di Elmar lo ta co-propietario di Elmar", ta locual director di Elmar Ir. Bok a laga sa ayera durante un lunch cu prensa na Papiamento Restaurant.

El a laga sa cu tin cierto personanan irresponsabel cu a trece un que otro negativamente den publicidad y esey ta un ehemplo tambe di kico lo por spera si figuranan asina mester bay mete den un empresa.

Segun director di e compania di electricidad nan ta convenci cu locual nan ta haciendo ta un bon asunto y cu nan lo sigui traha ariba e proyecto.

"Ta interesante pa sa cu na Estados Unidos mas y mas comunidad ta dicidi pa saca companianan di utilidad for di esfera gubernamental door di hacinan e asina yama "investor-owned companies"